

Prender sez enta maun la vita

Sco uffant d'ina gronda famiglia da purs ha Max Brunner stuì prender baud sez enta maun la vita. Quai ch'el ha emprendì en quest temp ha gidà el pli tard a dumagnar ses destin tragic. Tras in accident cun apaina 20 onns daventa il giuven Songagliais tetraplegicher. Dapi lura na sa Max Brunner betg pli chaminar, ma el è restà l'um ferm che fa frunt a tut las difficultads.

GUIDO A. ZÄCH

Max Brunner è creschì si cun 16 fragliuns sin in bain puril a Kaltbrunn. Qua ha el emprendì da pitschen ensi che l'agid ed il sustegn vicendaivel entaifer la famiglia èn facturs existenzials. Sin il bain puril devi adina bler da far, ins stueva adina puspè schliar problems, surmuntar miserias e culps dal destin. In da ses frars per exempel è sa disgrazià mortalmain tar in accident d'auto en la vischinanza dal bain.

«Pir suenter sis dis sun jau puspè stà tar mamez. Fin alura n'aveva jau betg realisà tge ch'era capità cun mai.»

Abstrahà da quest accident tragic ha Max Brunner dentant passentà ina bell'uffanza ed ina giuventetgna ritga d'eveniments.

L'avegnir è destrui

Suenter la finiziun da las scolas ed in emprendissadi sco tschentaplattas era la

porta or en il mund gist s'averta endretg; ma d'in di a l'auter è ella vegnida serrada a moda andetga e brutala. Ils 24 da november 1973 è il giuven sa disgrazià sin in plazzal a Trübbach. In ferm buf ha dauzà l'isch pesant d'ina tur d'ascensur or da la fixaziun provisorica. Alura è tut i fitg svelt. L'isch da l'ascensur è vegnì suflà davent, è cupitgà en la profunditad, crudà cun tutta forza sin la tazona da Max Brunner ed al ha sdarmanà giun plaun. Ses quinà, ch'era medemamain là, ha stuì guardar tiers senza pudair gidar.

Senza schientscha e grevamain blessà è Max Brunner vegnì transportà en l'ospital da Grabs. La terribla diagnosa dals medis suenter ch'els han vis las radiografias: plirs spinals dal culiez eran ruts, il magugl dal dies era blessà, la bratscha, ils mauns e las chommas paralisadas. Max Brunner era tetraplegicher. Il medem di è il disgrazià



MAX BRUNNER

VEGLIADETGNA
53 ONNS

DOMICIL
KALTBRUNN SG

IMPEDIMENT
TETRAPLEGIA

RASCHUN
ACCIDENT DA LAVUR

vegnì transferì en l'ospital chantunal da Son Gagl, nua ch'el ha cumbattì trais dis cunter la mort – ed ha survivì. Da las consequenzas durablas da l'accident è el daventà conscient pir suenter la remartga d'ina tgirunza che ha ditg en passond: «Savais, signur Brunner, jau hai era in frar ch'è en la sutga cun rodas.»

Dolur e desperaziun

Il giuven um aveva grondas dolurs ed ha piglià tema cura ch'el ha udi ch'el vegnia

transferì en il Center da paraplegia a Basilea. Max Brunner avess preferì da restar a Son Gagl, pli damanaivel da la famiglia e dals amis, surtut perquai che ses stadi da sanadad era sa pegiurà suenter il transferiment e perquai ch'el durmiva mal. El aveva da cumbatter cunter la desperaziun. Ultra da quai era el en ina chombra cun dudesch letgs ed aveva grondas fadias da stuair guardar co che cunpaziens murivan. «Quai è stà mender che tut quai che jau hai fatg atras avant e



In promotur nunstanclentaivel: sin iniziativa da Max Brunner è vegnì organisà il 1980 l'Interlinth-Marathon che ha lieu dapi lura mintga dus onns.

suentar», di el oz. Mo plaun a plaun ha el fatg progress. Dudesch mais ha durà en tut la rehabilitaziun a Basilea. Là era Max Brunner vegnì preparà per in return a

«Jau hai vuli davent da l'entschatta che la rehabilitaziun giaja bain.»

chasa ed aveva reacquistà ina part da sia independenza. El aveva puspè chattà il plashair da far sport, aveva decidì da far in emprendissadi commercial ed emprendì puspè dad ir cun auto. «Il fatg che jau hai pudì seser mez puspè davos il guvernagl d'in auto, è stà lezza giada per mai enorm

impurtant. Igl è stà sco da reconquistar ina nova libertad.»

Enavos en la patria

Il 1976 è Max Brunner returnà sco tetraplegicher en la sutga cun rodas a Kaltbrunn. El ha chattà ina plazza en la bransch d'autos ed ha maridà il 1982 Monika, ina scolasta ch'el aveva emprendì d'enconuscher a Berna. In temp fitg grev per el era finalmain surmuntà, il medem onn è numnadamain naschì era ses emprim figl Roland. Il losch bab era animà da quests eveniments e sa legrava da chattar en la famiglia protecziun e segirezza. Era il fatg

ch'els han bainprest pudì ir a star en l'atgna chasa, ha motivà el. La ventira da la giuvna famiglia n'ha dentant betg durà ditg e Max Brunner ha puspè stuì sa confrontar cun midadas radicalas. Sco educatur sulet ha el surpiglià in'incumbensa pretensiusa ed intensiva: gudagnar il paun da mintgadi, far il perchasa, guardar dal mat. Ma malgrà tut quai na lamentava el mai. Grazia ad ina nova relaziun cun Isabel e la naschienscha dal segund figl Manuel, il 1992, è la vita da l'um lavurus puspè daventada pli armoniusa e ruassaivla.

Seser enturn, quai na va betg

Max Brunner sesa dapi 33 onns en la sutga cun rodas, perquai ch'el na sa betg pli

«En l'ospital hai dà bliers muments trists. Ma tranteren faschevan nus era tup ed avevan legher.»



In losch bab: l'onn 1982 è naschì l'emprim da dus figls dal tetraplegicher.



Sustegn ed agid vicendaivel: Max Brunner (entamez davant, tranter ils geniturs) è creschì si cun 16 fragliuns. Il pitschen mat è daventà pli tard in sportist ambiziunà (a dretga).





Adina en moviment: far lavurs en curtin u participar a concurrenzas da curling (sura) èn variaziuns bainvegnidas en il mintgadi.



«Il sport m'ha dà fitg blier forza, bainstar corporal e sustegn da la societad.»

chaminar. Ma el ha fadia da seser enturn. El sa mova numnadamain fitg gugent. Saja quai insanua or en il liber, en las muntognas u tranter la gliעד. Oz interroghescha el la gliעד sco collavurat d'in institut da perscrutaziun. Ins inscuntra el a chaschun da festas u en il stadion da glatsch, sco fan dals Rapperswil-Jona Lakers. Anc pli gugent metta Max Brunner sez en moviment insatge. D'ina vart è el alternantamain giugader da tennis da maisa e

sportist d'atletica leva. Da l'autra vart s'engascha el nunstanclentaivlamain per la promoziun dal sport en sutga cun rodas. Il 1977 è Max Brunner entrà en il club da sutgas cun rodas da Wetzikon ed ha inizià là la fundaziun d'in team da rugby en sutga cun rodas. Il medem ha el fatg pli tard era cun il curling en sutga cun rodas, al qual el sa deditgescha oz passiunadamain. Sia «ovra principal» è dentant stada la fundaziun da l'Interlinth-Marathon il 1980. Numerus onns è Max Brunner stà president dal comité d'organaziun da quest'occurrèza gronda ed ha, sche pus-saivel, adina era prendì part sez a la cursa.

En il fratemp ha el surdà diversas incumbensas en auters mauns, ma dal tuttafatg na po el betg sa distatgar da sias funcziuns. «Questa occurrèza è per mai sco in terz uffant. Jau na support simplamain betg dad esser mo pli aspectatur.»

Guardar enavant

Tgi che taidla Max Brunner a raquintar, na vegniss mai sin l'idea da dumandar tge difficultads che quest um ha stuì supportar enfin oz. Sia robustadad corporala, ses opti-

misse da natira e ses curaschi han segir gidà el a dumagnar ses grev destin. Anc pli impurtanta è dentant stada sia ferma persvasiun interna da chattar adina ina via per schliar ils problems. Grazia a questa tenuta po el guardar vinavant cun optimissem en il futur. Max Brunner: «Jau na vi betg pensar al passà ed a schanzas forsa manchentadas. E cun sa retrair na vegn ins era betg vinavant. Jau hai emprendì da giudair las bellas varts da la vita e da viver il mument. Quai è quai che quinta finalmain.» ■



In bun chasarin: Max Brunner metta grand pais sin l'independenza – e sin tratgas fatgas en chasa.